



MØTEPROTOKOLL

Utval: Formannskapet
Møtestad: Voldsfjorden, Volda rådhus
Dato: 14.06.2016
Tid: 16:00

Faste medlemmer som møtte:

| Namn | Funksjon | Representerer |
|----------------------------|-----------|---------------|
| Jørgen Amdam | Leiar | AP |
| Fride Schjølberg Sortehaug | Nestleiar | V |
| Odd Harald Sundal | Medlem | SP |
| Sølvi Dimmen | Medlem | SP |
| Margrete Bjerkvik | Medlem | KRF |
| Anders Egil Straume | Medlem | KRF |
| Odd Arne Folkestad | Medlem | FRP |

Faste medlemmer som ikkje møtte:

| Namn | Funksjon | Representerer |
|---------------------|----------|---------------|
| Gunnar Strøm | Medlem | SV |
| Dan Helge Bjørneset | Medlem | H |

Varamedlemmer som møtte:

| Namn | Møtte for | Representerer |
|------------------------|---------------------|---------------|
| Rebecca Riise Bjerknes | Gunnar Strøm | SP |
| Sindre Rotevatn | Dan Helge Bjørneset | H |

Frå administrasjonen møtte:

| Namn | Stilling |
|------------------|-------------------------------|
| Rune Sjørgard | Rådmann |
| Per Heltne | Sakshandsamar PS 112/16 |
| Asbjørn Moltudal | Rådgjever PS 113/16 og 114/16 |

SAKLISTE

| Saksnr. | Sak |
|----------------|---|
| PS 110/16 | Godkjenning av innkalling og sakliste |
| PS 111/16 | Godkjenning av møteprotokoll frå forrige møte |
| PS 112/16 | Planid 200700-01 - Volda Fergekai- rv. 651. Dispensasjon frå reguleringsplan. Forvaltningsstyret sak PS86/15 - 8.12.2015 |
| PS 113/16 | Kommunereforma - Endeleg vedtak av alternativ. |
| PS 114/16 | Søknad om midlar til kartlegging av prosjekt "Destinasjon Volda" |
| PS 115/16 | Orienteringssaker |
| OS 94/16 | Søknad om utsett frist til å ta stilling til kommunesamanslåing som kryssar fylkesgrensa |

PS 110/16 Godkjenning av innkalling og sakliste

Handsaming:

Innkalling

Ettersending av dokument på møtedagen:

- Vedlegg til PS 113/16 – *Kommunereforma – resultat av innbyggjarundersøking i høve til Hornindal og Stryn – endeleg vedtak.*

Røysting:

Innkalling og sakliste vart samrøystes godkjent.

PS 111/16 Godkjenning av møteprotokoll frå forrige møte

Røysting:

Møteprotokollen frå sist møte, 07.06.2016, vart samrøystes godkjent.

PS 112/16 Planid 200700-01 - Volda Fergekai- rv. 651. Dispensasjon frå reguleringsplan. Forvaltningsstyret sak PS86/15 - 8.12.2015

Administrasjonen si tilråding:

- 1. Kommunestyret viser til vedtak i Forvaltningsstyret sak 76/15 og 86/15 og tek til vitande dei vilkår og føresetnader som der er gitt med omsyn til bygging/utforming av ny fergekai i Volda sentrum.*
- 2. Kommunestyret sluttar seg til dei retningslinjer som er gitt for vidare planutforming i kommunen sitt brev av 28.04.2016, og ber om at dette vert fylgt opp vidare i planarbeidet og i avtale med kommunen om grunnavståing, bruk og drift av anlegga i området etter riving av eksisterande kai.*

Handsaming:

Sakshandsamar Per Heltne møtte under handsaminga av saka.

Ordføraren orienterte om saka.

Odd A. Folkestad kom med slikt endringsframlegg pkt. 1 og 2, og tilleggsframlegg pkt. 3:

- 1. Volda kommunestyre viser til K.sak 33/07 der ny reg.plan for Vikeneset vart eigengodkjend. Kommunestyret kan ikkje godkjenne forslaget sidan det i det er gjort store avvik i høve til reguleringsplanen t.d. vedr arealbruk og talet på biloppstillingsplassar. Vegvesenet blir difor bedne om straks å leggje fram nytt forslag til løysing som betre samsvarar med den gjeldande reguleringsplanen.*
- 2. Kommunestyret føreset - av trafikktryggleiksmessige årsaker - at Statens vegvesen i den planlagde utbygginga også inkluderer forbetra ut-/innkøyring til E39, i samsvar med reguleringsplan-vedtaket i K.sak 33/07.*
- 3. Kommunestyret vil melde frå om at det kan verte aktuelt å søkje om erstatning for tapt "kaiareal" som ein konsekvens av at den nye ferjekaiia no vert flytta, noko som vil redusere kommunens noverande kaiareal/kailine.*

Prøverøysting:

Det vart røysta punktvis over framlegget til Odd A. Folkestad.

Pkt. 1 fekk ei røyst (Odd A. Folkestad), åtte røysta mot.

Pkt. 2 fekk ei røyst (Odd A. Folkestad), åtte røysta mot.

Pkt. 3 fekk seks røyster, tre røysta mot (Sindre Rotevatn, Jørgen Amdam og Fride Sortehaug)

Det vart røysta punktvis over tilrådinga frå administrasjonen.

Pkt. 1 fekk åtte røyster, Odd A. Folkestad røysta mot.

Pkt. 2 fekk åtte røyster, Odd A. Folkestad røysta mot.

Røysting:

Det vart røysta alternativt mellom endringsframlegget frå Odd A. Folkestad pkt. 1 og 2 og tilrådinga frå administrasjonen pkt. 1 og 2. Pkt. 1 og 2 i tilrådinga frå administrasjonen fekk åtte røyster og vart vedteke. Odd A. Folkestad røysta mot.

Framlegget frå Odd A. Folkestad, nytt pkt. 3, vart samrøystes vedteke.

Tilråding i formannskapet - 14.06.2016 til kommunestyret

- 1. Kommunestyret viser til vedtak i Forvaltningsstyret sak 76/15 og 86/15 og tek til vitande dei vilkår og føresetnader som der er gitt med omsyn til bygging/utforming av ny fergekai i Volda sentrum.*
- 2. Kommunestyret sluttar seg til dei retningslinjer som er gitt for vidare planutforming i kommunen sitt brev av 28.04.2016, og ber om at dette vert fylgt opp vidare i planarbeidet og i avtale med kommunen om grunnavståing, bruk og drift av anlegga i området etter riving av eksisterande kai.*
- 3. Kommunestyret vil melde frå om at det kan verte aktuelt å søkje om erstatning for tapt "kaiareal" som ein konsekvens av at den nye ferjekaia no vert flytta, noko som vil redusere kommunens noverande kaiareal/kailine.*

PS 113/16 Kommunereforma - Endeleg vedtak av alternativ.

Administrasjonen si tilråding:

- 1. Volda kommune slutta seg i 2014 til intensjonane om ei nasjonal kommunereform. I tråd med intensjonane for reforma har kommunen lagt til rette for involvering av innbyggjarane, gjennomført nabopratar og kartleggingar av samanslåingsalternativ. Volda kommune har gjennomført forhandlingar om samanslåing med Ørsta kommune. Intensjonsavtale om å slå saman kommunane Volda og Ørsta vart signert 15. mars 2016. Rådgevinge folkerøysting om dette alternativet vart avvikla 19. mai 2016. I*

Volda svarte 68,9 % nei, 30,5 % svarte ja. Blanke stemmer var 0,8 %. I Ørsta svarte 61,8 % av dei frammøtte nei, 37,3 % svarte ja. Blanke stemmer var 0.9 %.

- 2. Med bakgrunn i resultatet av rådgjevande folkerøystinga tilrår Volda kommunestyre at Volda kommune ikkje vert samanslegen med Ørsta kommune.*

Handsaming:

Dokument utsendt på møtedagen:

- Vedlegg til PS 113/16 – *Kommunereforma – resultat av innbyggjarundersøking i høve til Hornindal og Stryn – endeleg vedtak*, datert 13.06.2016.

Rådmannen orienterte om saka.

Sakshandsamar Asbjørn Moltudal møtte under handsaminga av saka.

Ordføraren kom med slikt framlegg:

1. Volda kommune slutta seg i 2014 til intensjonane om ei nasjonal kommunereform. I tråd med intensjonane for reforma har kommunen lagt til rette for involvering av innbyggjarane, gjennomført nabopratar og kartleggingar av samanslåingsalternativ. Volda kommune har gjennomført forhandlingar om samanslåing med Ørsta kommune. Intensjonsavtale om å slå saman kommunane Volda og Ørsta vart signert 15. mars 2016. Rådgjevande folkerøysting om dette alternativet vart avvikla 19. mai 2016. I Volda svarte 68,9 % nei, 30,5 % svarte ja. Blanke stemmer var 0,8 %. I Ørsta svarte 61,8 % av dei frammøtte nei, 37,3 % svarte ja. Blanke stemmer var 0.9 %.

2. Med bakgrunn i resultatet av rådgjevande folkerøysting vedtek Volda kommunestyre at Volda kommune ikkje vert samanslegen med Ørsta kommune. *Intensjonsavtalen med Ørsta blir oppheva.*

3. *Volda kommune signerte intensjonsavtale med Hornindal og Stryn 14. april 2016 med grunnlag i forhandlingar i mars og april. Innbyggjargranskinga i Volda viser at 60 % var for kommunesamanslåing, 27 % mot. 45 % av informantane var for samanslåing mellom Hornindal, Stryn og Volda, medan 41 % ynskte samanslåing berre med Hornindal. I innbyggjargransking og folkerøysting i Stryn fekk alternativet med Volda lite tilslutning; 27 % og 12 %. Samanslåing med Stryn er dermed lite aktuelt. I Hornindal var meiningane delt om samanslåing med Volda eller Stryn (44 % for kvart), medan eit stort fleirtal ønskte samanslåing både med Volda og Stryn (71 %).*

4. *Kommunestyret ser ut frå ei samla vurdering det ikkje tenleg å holde fram som eiga kommune.*

5. *Under føresetnad av tilsvarande vedtak i Hornindal kommunestyre, vedtek Volda kommunestyre at Volda blir samanslegen med Hornindal kommune.*

6. Sidan innbyggargranskninga viser klar tilslutning til samanslåing, finn Volda kommunestyre at det ikkje er turvande med folkerøysting.

Odd A. Folkestad kom med slikt framlegg:

A) Resultata frå folkerøystingane i Volda, Ørsta og Stryn er no kjende. Volda kommunestyre vil med bakgrunn i desse røystingane, avslutte drøftingane med Ørsta kommune og Stryn kommune om kommunesamanslåing.

B) Først etter avhalde kommunestyremøte i Hornindal den 30/6, vil Volda kommune vite om det er aktuelt å føre dialog vidare med Hornindal med sikte på kommunesamanslåing.

C) Slik stoda i kommunereformsaka har blitt, vil det vere aktuelt for Volda kommune snarleg å kontakte nabokommunane Eid og Vanylven for å avklare om det kan vere aktuelt å gå i samarbeidsdrøftingar med nokon av desse. Fullmakt til å gjennomføre slike sonderingsdrøftingar blir givne til ordføraren.

Det vart halde gruppemøte.

Odd A. Folkestad trekte framlegget sitt.

Odd A. Folkestad kom med slikt framlegg:

Forslag 1:

A) Resultata frå folkerøystingane i Volda, Ørsta og Stryn er no kjende. Volda kommunestyre vil med bakgrunn i desse røystingane, avslutte drøftingane med Ørsta kommune og Stryn kommune om kommunesamanslåing.

B) Først etter avhalde kommunestyremøte i Hornindal den 30/6, vil Volda kommune vite om det er aktuelt å føre dialog vidare med Hornindal med sikte på kommunesamanslåing. Dette må det straks meldast frå til fylkesmannen om.

Forslag 2:

Slik stoda i kommunereformsaka har blitt, vil det vere aktuelt for Volda kommune snarleg å kontakte nabokommunane Eid og Vanylven for å avklare om det kan vere aktuelt å gå i samarbeidsdrøftingar med nokon av desse. Fullmakt til å gjennomføre slike sonderingsdrøftingar blir givne til ordføraren.

Prøverøysting:

Det vart røysta punktvis over forslag 1 frå Odd A. Folkestad.

Pkt. A fekk to røyster (Odd A. Folkestad og Margrete Bjerkvik), sju røysta mot.
Pkt. B fekk ei røyst (Odd A. Folkestad), åtte røysta mot.

Pkt. 1 i tilrådinga frå administrasjonen fekk ni røyster.

Pkt. 2 Det vart røysta alternativt mellom tilrådinga frå administrasjonen og framlegget frå ordføraren. Framlegget frå ordføraren fekk seks røyster, tilrådinga frå administrasjonen fekk tre røyster (Margrete Bjerkvik, Anders Egil Straume og Odd A. Folkestad).

Pkt.3 Tilleggsframlegg frå ordføraren fekk sju røyster, to røysta mot (Odd A. Folkestad og Margrete Bjerkvik).

Pkt. 4 Tilleggsframlegg frå ordføraren fekk fire røyster (Jørgen Amdam, Fride Sortehaug, Sindre Rotevatn og Anders Egil Straume), fem røysta mot.

Pkt. 5 Tilleggsframlegget frå ordføraren fekk seks røyster, tre røysta mot (Odd A. Folkestad, Margrete Bjerkvik og Rebecca Riise Bjerknes).

Pkt. 6 Tilleggsframlegget frå ordføraren fekk seks røyster, tre røysta mot (Odd A. Folkestad, Margrete Bjerkvik og Rebecca Riise Bjerknes).

Røysting:

Odd A. Folkestad sitt framlegg «Forslag 1» fekk ei røyst (Odd A. Folkestad) og fall, åtte røysta mot.

Pkt. 1 i tilrådinga frå administrasjonen fekk ni røyster og vart vedteke.

Pkt. 2 Det vart røysta alternativt mellom tilrådinga frå administrasjonen og framlegget frå ordføraren. Framlegget frå ordføraren fekk sju røyster og vart vedteke, tilrådinga frå administrasjonen fekk to røyster og fall (Margrete Bjerkvik og Anders Egil Straume).

Pkt.3 Tilleggsframlegget frå ordføraren fekk sju røyster og vart vedteke, to røysta mot (Odd A. Folkestad og Margrete Bjerkvik).

Pkt. 4 Tilleggsframlegget frå ordføraren fekk fire røyster og fall (Jørgen Amdam, Fride Sortehaug, Sindre Rotevatn og Anders Egil Straume), fem røysta mot.

Pkt. 5 Tilleggsframlegget frå ordføraren fekk seks røyster og vart vedteke, tre røysta mot (Odd A. Folkestad, Margrete Bjerkvik og Rebecca Riise Bjerknes).

Pkt. 6 Tilleggsframlegget frå ordføraren fekk seks røyster og vart vedteke, tre røysta mot (Odd A. Folkestad, Anders Egil Straume og Rebecca Riise Bjerknes).

Odd A. Folkestad sitt framlegg «Forslag 2» fekk ei røyst (Odd A. Folkestad) og fall, åtte røysta mot.

Tilråding i formannskapet - 14.06.2016 til kommunestyret:

1.Volda kommune slutta seg i 2014 til intensjonane om ei nasjonal kommunereform. I tråd med intensjonane for reforma har kommunen lagt til rette for involvering av innbyggerane, gjennomført nabopratar og kartleggingar av samanslåingsalternativ. Volda kommune har gjennomført forhandlingar om samanslåing med Ørsta kommune. Intensjonsavtale om å slå saman kommunane Volda og Ørsta vart signert 15. mars 2016. Rådgevinge folkerøysting om dette alternativet vart avvikla 19. mai 2016. I Volda svarte 68,9 % nei, 30,5 % svarte ja. Blanke stemmer var 0,8 %. I Ørsta svarte 61,8 % av dei frammøtte nei, 37,3 % svarte ja. Blanke stemmer var 0.9 %.

2. Med bakgrunn i resultatet av rådgjevande folkerøysting vedtek Volda kommunestyre at Volda kommune ikkje vert samanslegen med Ørsta kommune. Intensjonsavtalen med Ørsta blir oppheva.

3. Volda kommune signerte intensjonsavtale med Hornindal og Stryn 14. april 2016 med grunnlag i forhandlingar i mars og april. Innbyggargranskinga i Volda viser at 60 % var for kommunesamanslåing, 27 % mot. 45 % av informantane var for samanslåing mellom Hornindal, Stryn og Volda, medan 41 % ynskte samanslåing berre med Hornindal. I innbyggargransking og folkerøysting i Stryn fekk alternativet med Volda lite tilslutning; 27 % og 12 %. Samanslåing med Stryn er dermed lite aktuelt. I Hornindal var meiningane delt om samanslåing med Volda eller Stryn (44 % for kvart), medan eit stort fleirtal ønskte samanslåing både med Volda og Stryn (71 %).

4. Under føresetnad av tilsvarande vedtak i Hornindal kommunestyre, vedtek Volda kommunestyre at Volda blir samanslegen med Hornindal kommune.

5. Sidan innbyggargranskinga viser klar tilslutning til samanslåing, finn Volda kommunestyre at det ikkje er turvande med folkerøysting.

PS 114/16 Søknad om midlar til kartlegging av prosjekt "Destinasjon Volda"

Administrasjonen si tilråding:

- 1. Volda kommunestyre godkjenner at avsette midlar for 2016, kr. 253.000,- til reiselivsutvikling vert overført Volda Næringsforum. Midlane skal øyremerkast til bruk i prosjektet og utviklingsarbeidet "destinasjon Volda", og vert organisert av Volda Næringsforum.*
- 2. Kommunestyret ber om rapportering i årsrapport og ein prosjektrapport innan 1.juli 2017 i samsvar rådmannen sin konklusjon i denne saka.*
- 3. Kommunestyret vil vurdere effekten av måloppnåing og resultat opp mot kor vidt det skal løyvast midlar vidare. Dette vil kommunestyret kome attende til i samband med budsjettet for 2017.*

Handsaming:

Rådmannen gjorde ei redaksjonell endring i tilrådinga frå administrasjonen pkt. 3; 2017 vart endra til 2018.

Kommunestyret vil vurdere effekten av måloppnåing og resultat opp mot kor vidt det skal løyvast midlar vidare. Dette vil kommunestyret kome attende til i samband med budsjettet for 2017 2018.

Odd A. Folkestad kom med slikt tilleggsframlegg pkt. 1:

"Midlane skal nyttast med særleg utgangspunkt i utvikling av reiselivet i heile kommunen. Ein føreset difor at det vert styrt av ei prosjektgruppe som vert oppretta og slik samansett: 2 representantar frå Volda Næringsforum, 2 frå Volda Reiselivslag og 2 frå Volda kommune."

Ordføraren kom med framlegg om å føye til «inn til vidare» i første periode i framlegget frå Odd A. Folkestad.

Midlane skal *inn til vidare* nyttast med særleg utgangspunkt i utvikling av reiselivet i heile kommunen.

Røysting:

Tilrådinga frå administrasjonen vart samrøystes vedteken.

Framlegget frå Odd A. Folkestad, med tilføyning frå ordføraren, vart samrøystes vedteken.

Tilråding i formannskapet - 14.06.2016 til kommunestyret:

- 1. Volda kommunestyre godkjenner at avsette midlar for 2016, kr. 253.000,- til reiselivsutvikling vert overført Volda Næringsforum. Midlane skal øyremerkast til bruk i prosjektet og utviklingsarbeidet "destinasjon Volda", og vert organisert av Volda Næringsforum.
Midlane skal inn til vidare nyttast med særleg utgangspunkt i utvikling av reiselivet i heile kommunen. Ein føreset difor at det vert styrt av ei prosjektgruppe som vert oppretta og slik samansett: 2 representantar frå Volda Næringsforum, 2 frå Volda Reiselivslag og 2 frå Volda kommune.*
- 2. Kommunestyret ber om rapportering i årsrapport og ein prosjektrapport innan 1.juli 2017 i samsvar rådmannen sin konklusjon i denne saka.*
- 3. Kommunestyret vil vurdere effekten av måloppnåing og resultat opp mot kor vidt det skal løyvast midlar vidare. Dette vil kommunestyret kome attende til i samband med budsjettet for 2018.*

PS 115/16 Orienteringssaker

OS 94/16 Søknad om utsett frist til å ta stilling til kommunesamanslåing som kryssar fylkesgrensa

Møtet slutt kl. 17:40

Rett utskrift,
Volda kommune, servicekontoret
15.06.2016

Sonja Håvik
konsulent